

Харилцааны ур чадвар нь ажил хэргийг амжилттай явуулахын үндэс болох нь

Технологийн эрэн зуун. Энэ гурван үгээр тодорхойлогдох цаг хугацаанд амьдраад 18 жил болжээ. Технологиор хөгжил яригдаж технологиор эдийн засаг хэмжигдэж, технологиор шинэ шийдэл боломж үүсдэг цаг хугацаа. Уламжлалт бүтэцтэй салбарт харилцааны ур чадвар үргэлж хамгийн чухал хүчин зүйл байсаар ирсэн. Технологи хөгжсөнөөр нийгмийн өдөр тутамын амьд харилцааг үгүй хийж байна гэсэн шүүмжлэл дагуулдаг. Гэвч ажил хэргийн хувьд илүү мэргэжлийн түвшинд хүргэх харилцааны олон боломжийг технологи авчирсан. Энэ эрин зуунд аливаа институт ямар технологи ашиглаж байгаа болон ямар баг бүрдүүлснээр нь хэр амжилттай явах ямар хугацаанд хөгжиж дэвшихийг тодорхойлох боломжтой гэж дүгнэгдээд байна.

Нэг салбарын байгуулгуудад технологийн хөгжил дэвшил яг ижил гараанаас гарах боломжийг олгож байдаг. Энэ нөхцөлд багаар ажиллах харилцааны ур чадварын үнэ цэнийг хэмжиж болно. Төсөөлөхөд энгийн зүйрлэлээр тайлбарлах гэж оролдоё. Хэрэв тухайн институцыг машинаар төсөөлбөл технологийг хөдөлгүүртэй зүйрлэж болох юм. Хөдөлгүүр хэдэн морины хүчин чадалтайгаараа ялгараад олон төрөл байдаг, компани альч хөдөлгүүрийг ашиглаж болно. Харин энэ хөдөлгүүрийг ажилуулах шатахууныг тухайн байгуулгын баг хамт олон гэж үзвэл багаар ажиллах чадвар, мэдлэг боловсрол, хандлага, шинийг санаачлах санаачлагаасаа... хамаараад баг бүр ялгаатай. Яг л шатахууныг чанараас нь хамааруулан АИ80, АИ92, АИ98 гэж ангилдаг шиг үр ашиг бүтээмжийн хувьд баг болгон ялгаатай байдаг. Мэдээж сайн хөдөлгүүр чанартай түлштэй бол хамгийн их үр ашигтай ажилна. Технологи хурдацтай хөгжихийн хэрээр байгуулгууд хөдөлгүүрээ сольж сайжруулах нь байгалийн хуульд тооцогдоно байх. Ажил хэрэгийн үүднээс авч үзвэл энэ тиймч санаа зовох асуудал биш юм. Харин аливаа байгуулгын үйл ажилгааг өргөжүүлж хөгжүүлж байдаг гол хүчин зүйл нь хүн юм. Тиймээс баг хамт олны мэдлэг харилцааны ур чадвар нь ажил хэргийг урагшлуулах үндэс болж байдаг. Жишээ нь залууст хамгийн том боломжийг олгох орчинг хөгжүүлэхийн төлөө тэмүүлж байгаа ТОМҮО-гийн залуусыг нэрлэж болно. Сар болгон, долоо хоног болгон тэд шинэ хамтын ажилгаа, шинэ санаа санаачлагыг дэвшүүлэн үйл ажиллагаагаа тэлсээр байна. Хэдий шийдэл нь технолги ч гэлээ цар хүрээгээ тэлэх ургаш алхуулах хүч нь харилцааны өндөр ур чадвартай чадвартай эерэг хандлагатай залуучуудын хөдөлмөрөөс бүрддэг. Ингэж л үйл ажиллагаа өргөжиж амжилт гардаг.

Д. Ганбаяр